



韓文

表狀

廿三

三十九
表狀
同上
全

16
273
23





門 16
號 273
卷 23

唐韓昌黎集卷第三十九

明樵李蔣之翹輯注

表狀

論捕賊行賞表

憲宗紀元和十年六月
宗遣盜夜伏於靖安坊刺殺宰相武
元衡次之及遣盜於通化坊刺御史
中丞裴度傷首而免京城大駭武元
衡歎曰未獲賊兵部侍郎許孟容
請見奏曰豈有國相橫尸路隅而不
能擒賊因灑涕極言乃詔京師諸道
能捕賊者賞錢萬貫仍與五品官至
是獲賊而未即加賞此公所以以狀
論列其號令之不信也○援古証今
極明白詳快得臣下告君之體王慎

中日識達事
體文亦典刑

臣愈言臣伏見六月八日勅以狂賊傷害幸
 臣擒捕未獲陛下悲傷震悼形於寢食特降
 詔書明立條格云有能捉獲賊者賜錢萬貫
 仍加超授今下手賊等四分之內已得其三
 其餘兩人蓋不足計根尋蹤跡知自承
 宗再降明詔絕其朝請又與王士則士平等
 官八日之制無不行者士則士平等或作士平
 王武俊之子張晏等誅士
 平為左金吾衛大將軍獨有賞錢尙未賜

給羣情疑惑未測聖心獨上或聞初載錢置
 市之日市中觀者日數萬人巡繞瞻視咨嗟
 歎息既去復來以至日暮百姓小人重財輕
 義不能深達事體但見不給其賞便以為朝
 廷愛惜此錢不守信自近傳遠無由辯明
 且出賞所以求賊今賊已誅斬若無人捉獲
 國家何因得此賊而正刑法也承宗何故而
 賜誅絕也士則士平何故與美官也因或作
 由法一
 作三事既因獲賊獲賊必有其人不給賞錢

實亦難曉，假如聖心獨有所見，審知不合，加賞其如天下百姓及後代久遠之人哉？或無人況今元濟承宗，尚未擒滅兩河之地，大半未收，隴右河西皆沒，戎狄所室，大明約束，使信在言前，號令指麾，以圖功利，況自陛下即位已來，繼有不績。已或作以下同斬楊惠琳，收夏州，斬劉闢，收劍南東西川，斬李錡，收江東，縛盧從史，收澤潞等三州。三州澤潞邢洛磁威德所加，兵不汗刃，收魏博等六州。六州魏博貝相盧衛致張茂昭

張情收易定，徐泗濠等三州。情於鈞切○易所管徐泗濠三州張情所管創業已來，列聖功德未有能高於陛下者，可謂赫赫巍巍，光照前後矣。此由天授陛下神聖英武之德，為巨唐中興之君。由上或宗廟神靈所共祐助，勉強不已，守之以信。信或作道則故地不足收，而太平不難致。如乘快馬行平路，遲速進退自由，其心有所欲，往無不可者，於此之時，特定示人以信。孔子欲存信，去食，人非食不生，尚欲捨生以存

信況可無故而輕棄也管秦孝公用商鞅為
相欲富國強兵行令於國恐人不信立三丈
之木於市南門募人有能徙北門者與
十金有一人徙之輒與五十金秦人以君言
為必信法令大行國富兵強無敵天下三丈
之木非難徙也徙之非有功也孝公輒與之
金者所以示其言之必信也言為必信言之必信或本兩句皆無信字管周成王尚小與其弟叔虞為戲
削桐葉為珪曰以晉封汝其臣史佚因請擇

曰立叔虞為侯成王曰吾與之戲耳史佚曰
天子無戲言言之則史書之禮成之樂歌之
於是遂封叔虞於晉擇一作是漢高祖出黃
金四萬斤與陳平恣其所為不問出入令謀
項羽平用金閒楚數年之間漢得天下論者
皆言漢高祖深達於利能以金四萬斤致得
天下作遠以此觀之自古以來未有不信其
言而能有大功者亦未有不費少財而能收
大利者也或無亦未至利者十二字非是今議文意上文引秦季公周成王事

故此以未有不信而能成大功結之又引漢高祖事故此以未有不小費而能收大利結之二語並臣於告賊之人本無恩義彼雖獲賞了不關臣所以區區盡言不避煩黷者欲令陛下之信行於天下也告或作捕伏望恕臣愚陋僻蠢之罪而收其懇款誠至之心天下之幸非臣之幸也謹奏表以聞臣愈誠惶誠恐

論佛骨表

新舊史皆具載於本傳先是塔內有釋迦文佛指骨一節其法二十

塔內有釋迦文佛指骨一節其法二十年一開開則歲稔人泰至是憲宗遣中使杜英奇振宮人三十持香花迎入太內獨禁中三日乃送佛祠上

公士庶奔走贊歎公為刑部侍郎上表極諫帝大怒欲抵死崔羣裴度咸里諸貴皆為公言乃貶潮州刺史時宰相疑公此表為馬宿所草以宿嘗與公同年進士又同佐裴度淮西故疑之遂貶宿歙州刺史時案必皇甫鏗也亦可謂無識鑿矣此表登宿所能耶耶聞見錄云憲宗元和十四年自屬翔法門寺迎佛骨入禁中韓退之以諫逐十五年有陳洪志之禍懿宗咸通十四年又迎其骨入禁中諫者以憲宗為戒懿宗曰生得見之亦無恨不數月崩送佛骨還法門寺愈之諫云奉佛以來享年不永者信乎此文與原道相表裏具見退之平生得力處在當時天子佞佛亦只以祈壽護國為心故其議論皆在福田上立說諫者乃以退之未透佛宗

直短之或有小兒強作解事語者則謂退之輕富貴齊威生危言危行不惑不懼不作人天小果佛氏所謂謗佛者乃深於贊佛此皆陰崇佛氏之說也豈退之知之言者哉郭正域曰文字無粉飾一味痛快

臣某言伏以佛者夷狄之一法耳自後漢時

流入中國上古未嘗有也伏以或作臣聞流上古

史有始字新史流作始。後漢明帝時佛始流入中國其說出自范曄然按之先漢以前已有佛有經法見答者黃帝在位百年年百

二卷送靈師詩注一十歲或作一少昊在位八十年年百歲或

一顯頊在位七十九年年九十八歲新史無

八字

之世紀帝嚳在位七十年年百五歲帝堯在

位九十八年年百一十八歲百五歲百一十

皆有一字帝舜及禹年皆百歲新史舜下有在位

之世紀此時天下太平百姓安樂壽考然而中

國未有佛也而或下或有此時二字舊史其後

殷湯亦年百歲湯孫太戊在位七十五年武

丁在位五十九年書史不言其年壽所極推

其年數蓋亦俱不減百歲五十九年新舊史

作定新舊史皆無年所極三字或本無推其年數四字今從新舊史或本俱下有年字一

史併無俱字

周文王年九十七歲武王年九十三

歲穆王在位百年此時佛法亦未入中國非

因事佛而致然也入或作至漢明帝時始有佛法

明帝在位纔十八年耳其後亂亡相繼運祚

不長年下或無耳字宋齊梁陳元魏已下事佛漸謹

年代尤促惟梁武帝在位四十八年前後三

度捨身施佛宗廟之祭不用牲牢晝日一食

止於菜果其後竟為侯景所逼餓死臺城國

亦尋滅事佛求福乃更得禍入或作九非是新舊史梁書亦

可致也畫新舊史俱作畫乃或作反乃更或

作乃反○傳奕上疏請除佛法云隆自義農

至於有漢皆無佛法君明臣忠祥長年久漢

明帝始立胡神泊於符石羞胡亂華主庸臣

佞祚短政虐云云此與退之之言若指符契

者故表出之○昔人以昌黎餓死臺城國亦

蕪滅云云雖議論痛快而亦近於

蕪予日不蕪則議論亦不痛快矣

佛不足事亦可知矣

祖始受隋禪則議除之

當時羣臣材識不遠不能深知先王

之遺古今之安推闡聖明以救斯弊其事遂

韓昌黎集卷三十九

二

眷聖文武皇帝陛下神聖業武數千百年已
 來未有倫比即位之初即不許度人為僧尼
 道士又不許創立寺觀或無前字新舊史創上
作臣常以為高祖之志必行於陛下之手今
 縱未能即行豈可恣之轉令盛也常新舊史
字新史無轉字○用近事更有今聞陛下令
據分明畫憲宗兩截人出來羣僧迎佛骨於鳳翔御樓以觀鼻入大內鼻
與又令諸寺遞迎供養迎新史作臣雖至愚
 必知陛下不惑於佛作此崇奉以祈福祥也

直以年豐人樂徇人之心為京都士庶設說
 異之觀戲翫之具耳安有聖明若此而肯信
 此等事哉年豐人樂新舊史作豐年之樂或
於戲玩特明昔年然百姓愚冥易惑難曉苟
 見陛下如此將謂真心事佛皆云天子大聖
 猶一心敬信百姓何人豈合更捨身命或無
皆字敬信新史作信何人新舊史作敬
豈合更惜或無豈合字而存於佛二字舊史
無更字今焚頂燒指百十為羣解衣散錢自
 朝至暮轉相倣效惟恐後時老少奔波弄其

業次焚頂上新史有以至字舊史有所以字或作以至無故新舊史焚作灼燒作燔少作幼業若不即加禁遏更歷諸寺必有斷次作生業臂變身以為供養者傷風賤俗傳笑四方非細事也或無夫佛本夷狄之人與中國言語不通衣服殊製口不言先王之法言身不服先王之法服不知君臣之義父子之信佛上新舊史無夫字下或有不道者字假如其身至今尚在不言新舊史作不道秦其國命來朝京師陛下容而接之不過宜政一見禮賓一設賜衣一襲衛而出之於境

不令惑眾也新舊史無至今二字奉下或無其字而出之於或無而於二字或無之字惑下舊史有於字新史惑作貳誤也○茅坤曰言法而正況其身久已父枯朽之骨以穢之餘豈宜令人官禁舊史作以孔子曰敬鬼神而遠之古之諸侯又作直禮記君臨臣行弔於其國尚令巫祝先以桃茹被除不祥然後進弔茹音列被或作拂○禮記君臨臣然所惡茹葦者可掃不祥左傳棄二十九生公如楚楚康王卒楚人使公親視公使巫以桃茹先被殯楚人悔之今無故取朽穢之物親臨觀之巫祝不先桃茹不用羣臣不言其非御史不

舉其失臣實恥之乞以此當付之有司投諸
 水火永絕根本斷天下之疑絕後代之惑或無之字新舊史作付之水火無有使天下
司投諸四字或無代字後新史作前天下
 之人知太聖人之所作爲出於尋常萬萬也
 益不盛哉益不快哉新史無此二語佛如有靈能作
 禍祟凡有殃咎宥加臣身上天降臨臣不怨
 悔無在感激懇悃之至崇或作福○此按林之奇曰崔浩闢
 表以聞臣某誠惶誠恐禱而致於唐此浮屠者得爲口實以爲闢佛
者之戒至于梁武二捨身而餓死臺城宋齊

以下事之漸謹而年代尤促則浮屠之徒又
 以爲學佛不盡其道之過自非卓然不惑之
 士未有不少爲其所迷也嗚呼佛氏之教至今
 且極盛矣朝野相率而佞之爲浮屠者實居
 四民之一其道尊若駕於吾聖人之上民食
 陰耗奸宄其道尊若駕於吾聖人之上陰耗奸宄其道尊若駕於吾聖人之上
 上而不能殺然禁遏之情退之不復上而不能殺然禁遏之情退之不復
 得起爲一疏也佛骨表者以講也得起爲一疏也佛骨表者以講也

潮州刺史謝上表

或無刺史字○本傳
 具載公此表憲宗得

表謂宰相曰昨得書愈到潮州表因
 思其所謙佛骨事大是愛我我豈不
 知然愈爲人臣不當言人主事佛乃
 年促也帝欲復用愈故先詔及觀宰
 相意皇南鑄恐其復用乃率先對曰
 愈終太疎狂且可量移一郡遂授袁
 州刺史○情前哀迫無限乞憐佛骨
 下謫昌黎其有悔心乎然其所謙既

不行離流離... 亦安... 乃以... 封禪之事... 好... 乃以... 未... 其君之為... 梁武而遂... 漢武... 導之也... 昌黎... 善於... 困... 歐陽... 修... 日前世有... 名... 人... 論... 事... 時... 感... 不... 威... 嗟... 然... 有... 不堪... 之... 策... 愁... 形... 於... 不... 韓... 文... 公... 不... 免... 此... 累... 或... 者... 入... 罪... 其... 以... 封... 禪... 諛... 帝... 者... 皆... 非... 也... 洪... 邁... 曰... 韓... 文... 公... 諫... 佛... 骨... 表... 其... 詞... 切... 直... 至... 云... 凡... 有... 殃... 咎... 安... 加... 臣... 身... 上... 夫... 監... 臨... 臣... 不... 然... 悔... 坐... 此... 此... 潮州... 刺史... 而... 謝... 表... 云... 臣... 於... 當... 時... 之... 文... 未... 有... 過... 人... 者... 至... 論... 臣... 下... 功... 德... 與... 詩... 書... 相... 表... 裏... 作... 為... 歌... 詩... 薦... 之... 郊... 廟... 雖... 使... 古... 人... 復... 生... 臣... 亦... 未... 肯... 多... 遜... 而... 負... 罪... 嬰... 慶... 自... 拘... 海... 島... 懷... 痛... 窮... 天... 之... 歎... 不... 以... 戕... 目... 於... 惟... 天... 地... 父... 母... 哀... 而... 憐... 之... 攻... 韓... 所... 言... 其... 意... 乃... 望... 名... 還... 憲... 宗... 鮮... 有... 武... 功... 亦... 未... 至... 編...

之詩畫而無愧... 至於... 紀... 泰山... 之... 封... 鐵... 白玉之... 牒... 東... 巡... 奏... 功... 明... 示... 得... 意... 等... 語... 摧... 挫... 獻... 佞... 大... 與... 諫... 表... 不... 作... 當... 時... 李... 漢... 輩... 編... 定... 文... 集... 惜... 不... 能... 為... 之... 除... 去... 東... 坡... 自... 黃... 州... 量... 移... 汝... 州... 上... 表... 云... 伏... 讀... 訓... 詞... 有... 人... 材... 實... 難... 不... 忍... 終... 棄... 之... 語... 臣... 昔... 在... 常... 州... 有... 田... 租... 給... 饘... 粥... 欲... 令... 許... 望... 常... 州... 居... 住... 輒... 叙... 徐... 州... 守... 河... 及... 獲... 妖... 賊... 事... 庶... 因... 功... 過... 相... 除... 得... 從... 所... 便... 讀... 者... 謂... 與... 韓... 公... 相... 類... 是... 不... 然... 一... 表... 均... 為... 歸... 命... 君... 上... 然... 其... 情... 則... 不... 同... 我... 自... 列... 往... 事... 皆... 其... 實... 跡... 而... 所... 乞... 不... 過... 見... 地... 聖... 且... 畧... 無... 一... 佞... 詞... 真... 為... 可... 服...

臣某言臣以狂妄... 不識禮度... 上表陳佛... 骨事言涉不敬... 正名定罪萬死猶輕... 猶輕新... 史作莫

塞 陛下哀臣愚忠，恕臣狂直，謂臣言雖可罪，心亦無他特，屈刑章以臣為潮州刺史，既免刑誅，又獲祿食，聖恩弘大，天地莫量，破腦剜心，豈足為謝？臣某誠惶誠恐，頓首頓首。臣以正月十四日蒙恩除潮州刺史，即日奔馳，上道經涉嶺海水陸萬里。正上或有今年字以今日二十五日到州，上訖與官吏百姓等相見，具言朝廷治平，天子神聖，威武慈仁，子養億兆，人庶無有親疎遠邇。言上或無具字雖在萬里

之外嶺海之阨，待之一如畿甸之間，輦轂之下，有善必聞，有惡必見，早朝晚罷，兢兢業業，惟恐四海之內天地之中一物不得其所，故遣刺史面聞百姓疾苦，苟有不便，得以上陳。而或作親。茅坤曰：此段得。國家憲章完具。明夫十遣重臣刺史州郡體。為治日久，守令承奉詔條，違犯者鮮，雖在蠻荒，無不安泰。聞臣所稱聖德，惟知鼓舞，謹呼不勞施為，坐以無事。臣某誠惶誠恐，頓首頓首。管臣所領州在廣府極東界，上去廣府雖

纔二千里然來往動皆經月過海口下惡水
經舊史作逾程期新
 濤瀧壯猛難計程期舊史作期程龍南雙
 風鱷魚患禍不測州南近界漲海連天毒霧
 瘴氛日夕發作颶其遇切州南近臣少多病
 年纔三十髮白齒落理不久長加以罪犯至
 重所處又極遠惡憂惶慙慙外此無日單立
 一身朝無親黨居蠻夷之地與魑魅為羣苟
 非陛下哀而念之誰肯為臣言者為羣新舊
 臣受性愚陋人事多所不通惟酷好學問文

章未嘗一日暫廢實為時輩所見推許舊史
見字許臣於當時之文亦未有過人者至於
或作表論述陛下功德與詩書相表裏作為歌詩薦
 之郊廟紀泰山之封鏤白玉之牒鋪張對天
 之閣休揚厲無前之偉蹟編之乎詩書之策
 而無愧擢之乎天地之間而無虧雖使古人
 復生臣亦未肯多讓乎新舊史並作於雖或
亦字多讓新史無多字伏以大唐受命有天
或併無二字尤非是下四海之內莫不臣妾南北東西地各萬里

大新史作皇自天寶之後政治少懈文致未優武

剋不剛孽臣姦隸蠹居基處搖毒自防外順

內悖父歿子代以祖以孫如古諸侯自擅其

地不貢不朝六七十年優舊史作復孽或作

貢不朝新舊史四聖傳序以至陛下陛下即

位以來躬親聽斷旋乾轉坤關機闡開雷厲

風飛日月清照天戈所麾莫不寧順太宇之

下生息理極史新舊高祖創制天下其功大

矣而治未太平也太宗太平矣而大功所立

咸在高祖之代非如陛下承天寶之後接因

循之餘六七十之外赫然興起南面指麾

而致此巍巍之治功也巍下或無之字定

樂章以告神明東巡泰山奏功皇天具著顯

庸明示得意使永永年代服我成烈年下或

舊史年代作萬年○范祖禹曰終唐之世惟

桡宗元以封禪為非以韓愈之賢猶勸憲宗

則其餘無當此之際所謂千載一時不可逢

之嘉會際或作時一而臣負罪嬰豐自擢海

島戚戚嗟嗟日與歿迫曾不得奏薄伎於從

宮之內隸御之間竅思異精以贖罪過懷痛
 窮天歎不閉目瞻望宸極竟神飛去罪過新舊史作
前過去或伏惟皇帝陛下天地父母哀而憐
作送非是之無任感恩戀闕慙惶懇迫之至謹附表陳
 謝以聞

賀冊尊號表

此表公時在潮州所進按古者皆皇曰皇帝曰帝王曰王至秦始皇始兼皇帝之號漢哀帝始有聖劉太平之稱唐高宗中宗遂有天皇應天之名而明皇遂稱尊號日開元聖文神武皇帝其後子孫因之以為故事范祖禹所謂使其臣生而加謚於人君豈不悖哉○純用

爾雅釋文體亦與雅

臣某言臣伏聞宰相公卿百官及關輔百姓
 耆耄等以陛下功崇德鉅天成地平安加號
 於殊常以昭示於來代陳請懇至句于再于
三代或作載陳請懇至于再于三陛下仰稽
或作載陳情款懇到再三非是乾符俯順人志乃以新秋首序今月吉辰發
 揚鴻休膺受顯冊元和十四年七月羣臣上
天應道天人合慶日月揚光環海之間含生
 之類歡欣踊躍以歌以舞合或作交環海之

欣或作作以歌以舞或作以舞以歌臣某誠歡誠喜頓首頓首
 臣聞體仁長人之謂元發而中節之謂和無
 所不通之謂聖妙而無方之謂神經緯天地
 之謂文戡定禍亂之謂武先天不違之謂法
 天道濟天下之謂應造長上或有以字無入字妙而或作妙筭下同
 伏惟元和聖文神武法天應道皇帝陛下
 子育億兆視之如傷可謂體仁以長人矣喜
 怒以類刑賞不差可謂發而中節矣明照無
 私幽隱畢達可謂無所不通矣發號出令雲

行雨施可謂妙而無方矣三光順軌州木遂
 長可謂經緯天地矣除刻寇盜宇縣清夷可
 謂戡定禍亂矣風雨以時祥瑞輻湊可謂先
 天而天不違矣國內無饑寒四夷皆朝貢可
 謂道濟天下矣國下或無內字朝上或無皆字衆美備具各
 實相當赫赫巍巍超今冠古方當議明堂辟
 雍之事撰泰山梁父之儀授三代之逸禮補
 百王之漏典時乘六龍肆觀東后議或作講或上別有
講字換下或有集字○孝經授神契明堂天子布政之宮上圓下方八窗四達在國之陽

韓昌黎集卷三十九

說文辟雍天子饗飲處也白虎通天子立辟雍行禮樂宣德化辟者象璧圓法天雍壅也雍之以水象教化流行史記古者封泰山禱梁父七十二家而夷吾所記者十有二焉易時乘六龍以御天
 微臣幸生聖代觸犯刑章假息海隅處以無日瞻望宸極心魂飛揚有永棄之悲無自新之望章一作憲會不得與鳥獸率舞蠻夷縱觀為比銜酸抱痛且恥且慙無任感恩戀闕懇迫彷徨之至與或作如彷徨或作傍惶謹奉表陳賀以聞

袁州刺史謝上表

或無刺史字

臣某言臣以去年正月上疏論佛骨事先朝怒臣愚直不加大罪自刑部侍郎貶授潮州刺史憲宗以元和十五年正月崩穆宗即位故此謂憲宗為先朝伏遇其年七月十三日恩赦至元和十四年七月其年十月二十四日準例量移授袁州刺史以今月八日到任上訖臣某誠歡誠喜頓首頓首伏以州小地狹稅賦及時人安吏循閭里無事微臣惟當布陛下惟新之澤守國家承平之規勸以耕桑使無怠惰而已臣以愚

陋無堪累蒙朝廷獎用掌誥西掖元和九年十二月公

知制司刑南宮元和十二年十一月公為刑部侍郎顯榮頻頌

稱效寂茂又蒙赦其罪累授以方州德重恩

弘身微命賤無階答謝惟積慙惶無任感恩

慙惕之至謹差軍事副將郝泰奉表陳謝以

聞

賀皇帝即位表穆宗皇帝位公在袁州以表賀

臣某言伏聞皇帝陛下以閏正月三日虔奉

遺詔昭升太位或無三日二字升或作承

位書昭天地神祇永有依歸華夏蠻貊永有

承事神人交慶日月貞明臣某誠歡誠喜頓

首頓首臣聞王者必為天所相為人所歸上

符天心下合人志然後奄有四海以君萬邦

伏惟皇帝陛下承列聖之丕績當中興之昌

運爰自主聖春宮齒胃國學孝友之美實形

四方英偉之姿久動羣聽及初嗣位遐邇莫

不歡心爰降詔書老幼或至垂泣泣或舉用

俊乂流竄姦邪帝即位之日名翰林學士段文昌杜元穎沈傳師李肇侍

章

讀薛放丁公著對思政殿並賜金紫丁 錐虞

未敗宰臣皇甫鐸為崖州司戶參軍 舜之去四兇舉十六相不能過也

四凶也蒼舒賈豎禱賊大臨左擊庭堅仲容叔達伯奮仲堪叔獻季仲伯虎仲熊叔豹季狸十六相 天下翹首以望太平天下傾心以

也見左傳 觀至化臣某誠歡誠喜頓首頓首臣聞咎者

堯舜以吁嗟君臣相戒以致至治周文王以

憂勤日中不食以和萬民故能澤流無窮名

配日月伏惟皇帝陛下儀而象之以水多福

天下幸甚天下幸甚微臣往因言事得罪先

朝守郡遠方拘限條制不獲奔走稱慶闕庭

無任欣歡踊躍感恩戀闕之至

謹奉表以聞

賀表

臣某言伏奉二月三日制書太赦天下常赦

所不原者咸蒙除罪與之更始令得自新恩

浹幽朔慶溢寰海

管頓首臣聞王者必於嗣位之始降非常之

恩所以象德乾坤同明日月伏惟皇帝陛下

恩所以象德乾坤同明日月伏惟皇帝陛下

恩所以象德乾坤同明日月伏惟皇帝陛下

恩所以象德乾坤同明日月伏惟皇帝陛下

恩所以象德乾坤同明日月伏惟皇帝陛下

恩所以象德乾坤同明日月伏惟皇帝陛下

恩所以象德乾坤同明日月伏惟皇帝陛下

恩所以象德乾坤同明日月伏惟皇帝陛下

恩所以象德乾坤同明日月伏惟皇帝陛下

恩所以象德乾坤同明日月伏惟皇帝陛下

恩所以象德乾坤同明日月伏惟皇帝陛下

文思聰明聖神睿哲發號出令雲行雨施懼
刑政之或差憐鰥寡之重困知事父之滋饒
慮法訛之益姦罪人悉原隆典咸舉生恩既
及於四海和氣遂充於八紘臣某誠歡誠喜
頓首頓首微臣往因論事獲譴海隅旋沐朝
獎待罪山郡未離貶竄之地忽逢曠蕩之恩
踊躍欣歡實倍常品限以官守不獲隨例稱
慶闕廷無任感恩戀闕之至謹奉表陳賀以
聞

賀册皇太后表

穆宗紀元和十五年閏正月尊母爲皇太后后節

憲宗懿安皇后郭氏子儀之孫也

臣某言伏承閏正月二十七日皇太后光膺
令典受册官闈歡心始自於內朝孝理遂形
於寰海臣某誠歡誠喜頓首頓首皇太后夙
贊先皇彌成至化誕生明聖繼繼鴻休華胥
實贊於軒圖帝王世紀太昊之母居於華胥
之因而始娠文母有光於周道文母大
生帝於成紀也詩亦恭惟懿德克配前芳皇帝陛下出震

右文母

承乾垂衣御極易繫辭帝出乎震齊乎巽又堯舜垂衣裳而治式展

臣子之志以明教化之源禮命載崇華夷同

慶臣待罪外郡不獲隨例稱賀闕廷賀或無

在踊躍欣歡之至謹奉表陳賀以聞

賀慶雲表穆宗元和十五年六月十六日也公時為袁州刺史以表

圖稱賀云○退之味既潮州之前危言危行耿耿有古人之風至貶後便

不勝稱功頌德惟恐不取媚乎上可怪可異

臣某言臣所領州今月十六日申時有慶雲

見於西北至暮方散臣及舉州官吏百姓等

無不見者云米云色光華不可徧觀非煙非

雲容狀詭能詳述史記天官書若煙非煙若

困是謂抱日增麗浮空不收既變化而無窮

亦卷舒而莫定斯為上瑞實應大本臣某誠

歡誠喜頓首頓首謹按沈約宋書云慶雲云

者太平之應又據孝經援神契曰王者德

至則慶雲出陸武故黃帝因之以紀事

傳昭十七年黃帝以雲紀故為雲師而雲

名說者以黃帝有景雲之瑞故以名官也

虞舜由之而作歌尚書大傳俊乂百工相和

雲爛兮禮 又按季夏六月土王用事其日景

成亦主於土西北方者京師所在土為國家

之德祥見京師之位既徵於古又驗於今王

作正非是今按曆家四季之月土王用事各

十一月今云六月明當作王也景本丙字避

成以曆推之蓋十六日也 伏惟皇帝陛下德

合覆載道光軒虞嗣位之初禎祥繼至昇平

之符既兆仁壽之域以躋以或微臣往在先

朝以論事得罪身居貶黜之地目覩殊常之

慶怵躍欣幸實信常情欣一伏乞宣付史官

作歡

以彰聖德所致瞻戀闕廷心竟飛馳無任欣
怵踊躍之至馳下或有並圖奉進四字或謹
差某官奉表陳賀以聞

舉張惟素自代狀公自袁州國子監名為國子

祭酒舉以自代時

元和十年冬也中散大夫守左散騎常侍上柱國賜紫金

魚袋張惟素

伏惟準建中元年正月五日制常參官上後

三日舉一人自代者前件官文學治行所

推與累歷中外資序已深序或和而不同靜而有守敦厚退讓可以訓人臣所不如輒舉自代謹錄奏聞

中舉韓泰自代狀

袁州公自潮州移刺袁州舉泰以自

代時元和十五年春也

使持節漳州諸軍事字漳州刺史韓泰

承

貞元十年十一月坐王叔文之敗貶袁州司馬元和十年三月遷漳州刺史

右伏準建中元年正月五日制常參官及刺史授上訖三日內舉一人自代者前件官詞

學優長才器端實早登科第

貞元十一年亦更

臺省

貞元中泰累遷至戶部郎中

往因過犯貶黜至今十

又餘年自領漳州悉心為治官吏懲懼不敢

為非百姓安寧竝得其所臣在潮州之日與

其州界相接臣之政事遠所不如乞以代臣

庶為允當謹錄奏聞

慰國哀表

憲宗以元和十五年正月庚子崩於大明宮中和殿公時

刺袁州奉表稱慰

臣某言伏奉正月二十七日詔書太行皇帝

奄_レ弃_レ國家_ラ承_レ詔_ラ哀_レ惶_レ號_レ踊_レ無_レ地_レ伏_レ惟_レ聖_レ情_レ何_レ
可_レ堪_レ處_レ太_レ行_レ皇_レ帝_レ功_レ濟_レ寰_レ區_レ仁_レ霑_レ動_レ植_レ奉_レ諱_レ
之_レ日_レ率_レ士_レ崩_レ心_レ凡_レ在_レ臣_レ子_レ不_レ勝_レ頌_レ裂_レ伏_レ惟_レ陛_レ
下_レ痛_レ貫_レ宸_レ極_レ聖_レ情_レ難_レ居_レ臣_レ拘_レ守_レ遠_レ郡_レ不_レ獲_レ匍_レ
匍_レ奉_レ慰_レ瞻_レ望_レ闕_レ廷_レ且_レ悲_レ且_レ懇_レ謹_レ奏_レ表_レ陳_レ慰_レ以_レ
聞

舉薦張籍狀

或有國子監字○籍字文昌蘇州吳人貞元十五年進士公初爲國子祭酒以狀薦籍籍用是自授書郎除國子博士元和十二年也籍祭公詩云我官麟臺中公爲大司丞念此委求伏不能力自揚

特狀爲博士始獲升朝行未幾享其資遂忝南宮郎可以知公之薦也

登仕郎守祕書省校書郎張籍

右件官學有師法文多古風沈默靜退介然
自守聲華行實光映儒林臣當司見闕國子
監博士一員生徒藉其訓導伏乞天恩特授
此官以彰聖朝崇儒尚德之道謹錄奏聞伏
聽勅旨

請上尊號表

或有國子監字○元和十五年九月公自袁州召爲國子祭酒至是有此表○高古典冊之文

臣某言臣得所管國子太學廣文四門及書
 算律等七館學生沈周封等六百人狀或無得字
 稱身雖賤微然皆以選擇得備學生讀六藝
 之文脩先王之道粗有知識皆由上恩今天
 子整齊乾坤出入神聖或無今字經營乎無為之
 業游息乎混元之宮不謀於廷不戰於野坐
 收冀部元和十五年十月成德軍節度使王承元以鎮趙深冀四州歸于有司
 旋定幽都長慶元年二月幽州節度使劉總以所管八州歸于有司析木
 天街星宿清潤北嶽醫閭神鬼受職析木天街北嶽

醫閭皆以幽冀言也天文志昂為天街屬冀
 州自尾十度至南斗十一度為析木屬幽州
 北嶽常山在定州恒陽縣在古冀州之域也
 醫閭周禮職方氏幽州其鎮醫閭也按此言
 長慶元年劉總納土時也○陳無已曰退之
 上尊號曰析木天街云云曾子賀赦曰鈞陳
 太從星緯咸在崑崙崑崙解濤波不地彌天區
 驚人莫能輕重之後自當有知者
 界軼海外舜之十有二州周之千七百國章
 亥所步禹契所書四面輻輳各脩貢職章亥所步
 按山海經禹使大章步自東極至于西垂二
 億三萬三千五百里七十一步又使豎亥自
 南極盡於北垂二億三千五百里七十一步
 渠怛威愧德失據狼狽收其種落逃遁遠去

來獻羊馬千里不絕功既如此德又如彼或作
 如何非是爰初嗣位首去姦孽隨所顧指應時清
 寧變或作孽哀天下之鰥寡釋四海之繫
 結左右前後莫匪俊良小大之材咸盡其用
 無所誅誥一和以仁由是五穀歲登百瑞時
 見六府三事惟序惟歌管者媯皇殺黑龍以
 濟冀州淮南子云媯煉五色石以補蒼天斷
 冀足以立四極殺黑龍以濟冀州積
 盧火以堯誅九嬰以定下土淮南子堯使羿
 止滔水殺九嬰血兵刑刃僅就厥功以方吾君
 於凶水之

一何遠也刑不官切堯之在位七十餘載戒
 飭咨嗟以致平治孔子之聖自云三年有成
 今自嗣位以來歲有餘耳臻此功德其何捷
 哉置郵傳命未足以諭以非常之功襲尋常
 之號以冠古之美屈守文之名臣子之誠闕
 而不奏天號人稱不滿事實斯亦縉紳先生
 之過也臣子或謂臣官居師長不言謂何彼
 其所陳中於義理天人合願不謀而同非臣
 之愚所敢隱蔽輒冒死以聞伏乞天恩特允

誠志令公卿大夫得竭思慮取正於經以定
大號有司備禮擇日以頒天下幸甚天下幸
甚臣某誠惶誠恐或無臣某下六字

舉韋顛自代狀

尚書兵部

顛字益切長慶元

年七月公自國子祭酒除兵部侍郎舉顛自代

中散大夫守太理少卿驍騎尉韋顛

右伏準建中元年正月五日制常參官上後
三日舉一人自代者前件官學識該達器量
弘深朝推直道代仰清節顯映班序十五年

餘夷險一致風猷益茂屈居少列未副羣情
文昌政本侍郎官重尚德之舉顛宜當之乞
迴臣所授庶弭官謗左傳羈旅之臣敢辱高
弭謗矣乃位以速官謗周語吾能
不敬言謹錄奏聞謹奏

唐韓昌黎集卷第三十九終

[Faint bleed-through text from the reverse side of the page]

唐韓昌黎集卷第四十

明樞李蔣之翹輯序

表狀

論孔戣致仕狀

或無孔戣字○左睿誌孔尚書墓言尚書七十

三上書去官公嘗賢其能謂公尚壯

上二留奚夫之果曰吾負三宥去尚

奚顧子力言明日奏疏請器不報此公

所論之狀也時長慶二年作○洪邁

日唐孔戣在穆宗朝為尚書左丞上

書去官天子以為禮部尚書致仕吏

部侍郎韓愈奏除留之不報明年正

月戣薨國朝鄭穆在元祐中以實文

閣侍制兼國子祭酒請免提舉海香

官給事中范祖禹言穆雖年出七十

精力尚強古者大夫七十而致仕有
不_レ得_レ謝_レ賜_レ之_レ几_レ杖_レ祭_レ酒_レ居_レ師_レ資_レ之
地_レ正_レ安_レ處_レ老_レ成_レ願_レ毋_レ輕_レ聽_レ其_レ夫_レ亦_レ不
報_レ然_レ穆_レ亦_レ至_レ明_レ年_レ卒_レ一_レ事_レ絕_レ相_レ類_レ

某官某

右臣與孔戣同在南省為官數得相見同或無
戣為人守節清苦議論平正今年纔七十筋
力耳目未覺衰老憂國忘家用意深遠所謂
朝之耆德老成人者臣知戣上疏求致仕故
往看戣戣為臣言已蒙聖主允許伏以陛下
優賢尚齒見戣頻上三疏言詞懇到重違其

意遂即許之此誠陛下仁德之至然如戣輩
在朝不過三數人實可為國憂憐自古以來
及聖朝故事年雖八九十但視聽心慮苟未
昏錯尚可顧問委以事者雖求退罷無不殷
勤留止優以祿秩不聽其去以明人君貪賢
敬老之道也禮大夫七十而致事若不得謝
則必賜之几杖安車禮下或有一日字致事
禮本一作事或作致仕七十
十求退人臣之常禮若有德及氣力尚壯則
君優而留之不必年過七十盡許致事也詩

曰雖無老成人尚有典刑此言老成人重於
 典刑不可不愔而留也詩見大雅蕩之什箋
老成人謂若伊尹伊
陟臣扈之屬雖無此臣猶有常事故法可案用也今戮幸無疾疹但
 以年當致事據禮求退陛下若不聽許亦無
 傷於義而有貪賢之美疹音軫況左丞職事亦
 極清簡若戮尚以繁憂為辭自可別授秩崇
 而務少者今中外之臣有年過於戮尚未得
 退戮獨何人得遂其願其或人所然人皆求進戮
 獨求退尤可賢重臣所領官無事不敢請對

或無領字蒙陛下厚恩苟有所見不敢不言伏望
 聖恩特垂察納

舉馬總自代狀

京兆府

公為京兆尹舉以自代長

慶三年也時總自天平軍節度使方入為戶部尚書

銀青光祿大夫檢校尚書右僕射兼戶部

尚書馬總

右伏準建中元年正月五日制常參官上後
 三日舉一人自代者伏以近者京尹用人稍
 輕所以市井之間盜賊未斷郊野之外疲瘵

尚多或無近者至所以前件官文武兼資寬
猛得所累更方鎮皆有功能若以代臣實為
至當謹錄奏聞謹奏

賀雨表

公尹京
北時作

臣某言臣聞聖人之德與天地通誠發於中
事應於外始聞其語今見其真臣誠歡誠喜
頓首頓首伏以季夏以來雨澤不降臣職司
京邑祈禱實頻青天湛然旱氣轉甚陛下憫
茲黎庶有事山川憫中使纔出於九門陰

雲已垂於四野龍神效職雷雨應期雷或嘉
穀奮興根葉肥潤抽莖展穗不失時宜人和
年豐莫大之慶微臣幸蒙寵任獲觀殊祥慶
忭歡呼倍於常品無任踴躍之至謹奉表陳
賀以聞

賀太陽不虧狀

狀或作表公
尹京北時作

司天臺奏今月一日太陽不虧

長慶元年
九月壬子

朔日食角十二度今月一日十月十一日
也蓋九月朔日食則十月朔當虧故云

右司天臺奏今日辰卯間太陽合虧陛下敬

畏天命克己脩身誠發於中災銷於上自卯
及巳當虧不虧及或作至雖隔陰雲轉更朗朗比
於常且不覺有殊天且不違慶執為大臣官
忝京尹親覩殊祥欣感之誠實倍常品謹奉
狀賀以聞狀下或有陳字間下或有謹奏字

舉張正甫自代狀

尚書兵部

公兩為兵部侍郎

鄭長慶元年七月初為兵部侍郎舉大理少卿韋顓以自代長慶三年自京兆尹再除兵部侍郎則舉正甫以自代前後皆可及也

通議大夫守右散騎常侍上柱國南陽縣

開國子食邑五百戶賜紫金魚袋張正甫

正甫元和末年自同州刺史入拜左散騎常侍正甫大和八年卒年八十一

右臣蒙恩除尚書兵部侍郎伏準建中元年
正月五日制常參官上後三日舉一人自代
者前件官稟正直之性懷剛毅之姿嫉惡如
仇讎見善若飢渴備更內外灼有名聲年齒
雖高氣力逾勵力或作志其貧苦節不愧神明可
謂古之老成朝之碩德久處蔽地實非所宜
乞以代臣以副公望或有謹錄奏聞謹奏六字

袁州申使狀

王黃州嘗答丁晉公書云退之為袁州刺史故事觀

察使牒部刺史皆曰故牒時王仲奇廉問江西以吏部巨賢特自損日謹牒而退之致書懇請以為虛如舊制元之所云即置此爾

使司牒州牒

右自今月二日後每奉公牒牒尾故牒字皆為謹牒字有異於常初不敢陳論以為錯誤今既頻奉文牒前後並同在愈不勝戰懼之至伏乞仁恩特令改就常式以安下情

國子監論新注學官牒

李習之狀公行曰其為國子祭

酒也奏儒生為學官日使會講生徒多奔走聽聞皆喜日韓公來為祭酒國子監不寂寞矣此疏公為祭酒時所論元和十五年也

國子監應今新注學官等牒準今年赦文委國子祭酒選擇有經藝堪訓導生徒者以充學官近年吏部所注多循資叙不及藝能至令生徒不自勸勵伏請非專通經傳博涉贊史攢一及進士區經諸色登科人不以比擬其新受官受或授上日必加研試然後放上以副聖朝崇儒尚學之意具狀牒上吏部仍牒

監者謹牒

黃家賊事宜狀

黃家賊自貞元十一年
管等州經略使孫公器請發嶺南兵
窮討之德宗不許遣中人招諭不從
自是叛服不常元和間又有黃承慶
黃少度黃昌瓚繼起長慶初以嚴公
素為經畧使復上表請討公以近
嶺外事請自潮方移袁繼入為祭酒知
嶺外事請故以是二事為請時元和
十五年也南夷據巢穴勢若負嵎
只須撫勦兼施恩威並見退之此狀
深合事宜其可行行急直在當日乎

一臣去年貶嶺外刺史其州雖與黃家賊不
相鄰接然見往來過客弁諳知嶺外事人所

說至精至熟

一臣去年
以臣去年請或作諸

其賊益

是夷獠亦無城郭可居依山傍險自稱洞主
衣服言語都不似人尋常亦各營生急則屯
聚相保比緣邕管經營使多不得入德既不
能緩懷威又不能臨制侵欺虜縛以致怨恨
蠻夷之性易動難安遂至攻劫州縣侵暴平
人或復私讎或貪小利或聚或散終亦不能
為事近者征討本起於裴行立陽旻此兩人
者此下或
有時字本無遠慮深謀意在邀功求賞亦

緣見賊未屯聚之時將謂單弱立可摧破爭
 獻謀計惟恐後時朝廷信之遂允其請自用
 兵已來已經二年前後所奏殺獲計不下一
 二萬人或無下已字當刪上黨皆非虛賊已
 盡至今賊猶依舊足明欺罔朝廷邕容兩
 管因此凋弊因或作內經二字殺傷疾患十室九空
 百姓怨嗟如出一口患或作疫陽旻行立相繼身
 亾實田自邀功賞造作兵端人神共嫉以致
 殃咎且或作身嫉或作怒發或作至陽旻行立事既已往今

所用嚴公素者亦非撫御之才不能別立規
 模依前還請攻討素或作集如此不已臣恐嶺南
 一遣未有寧息之時置十八人
 一昨者分邕容兩管為一遣深合事宜或無併字
 然邕州與賊逼近容州則甚懸隔其經略使
 若置在邕州與賊隔江對岸兵鎮所處物力
 必全一則不敢輕有侵犯一則易為逐便控
 制今置在容州則邕州兵馬必少賊見勢弱
 易生姦心伏請移經略使於邕州其容州但

置刺史實為至便置一此者所發諸道南討兵馬例皆不諳山川不伏水土遠鄉羈旅疾疫殺傷伏或臣自南來見說江西所發共四百人曾未一年其所存者數不滿百或無岳鄂所發都三百人其所存者四分纔一續添續成每發倍難若令於邕容側近召募添置千人便割諸道見俱行營人數糧賜均融充給所費既不增加而兵士又皆便習長有守備不同客軍守則有

威攻則有利

募士者之兵今古極為便利此是昌黎卓見嘗與柳中丞書云遠徵軍士行者有羈旅離別之思居者有怨曠騷動之憂本軍有饋餉煩費之難地生有姑息形迹之患急之則怨緩之則不用命浮寄孤懸形勢銷弱又與賊不相諳委臨敵恐駭難以有功若召募土人必得豪勇與賊相熟知其氣力所極無望風之驚愛護鄉里勇於自戰徵兵滿萬不如名募數千亦即此意

一自南討已來賊徒亦甚傷損察其情理厭於必深大抵嶺南人稀地廣賊之所處又更荒僻假如盡殺其人盡得其地在於國計不為有益容貸羈縻比之禽獸來則得禦去則

不追亦未虧損朝廷事勢以臣之愚若因改

元太慶赦其罪戾遣一郎官御史親往宣諭

必望風降伏謹呼聽命呼或作叫○元和十年

年當仍為擇選有材用威信諳嶺南事者為

經略使處理得宜自然永無侵叛之事有或作其

理或作置

應所在典貼良人男女等狀或無在字

字○此狀退之自潮移去後繼入為

祭酒所作及洪氏年譜可見況狀云

往任袁州刺史則或作

二狀皆袁州所進非也

應所在典貼良人男女等此是狀首標目

賀白龜狀體正同猶今之貼

黃及狀眼也或本刪去非是

右準律不許典貼良人男女作奴婢驅使臣

往任袁州刺史日檢責州界內得七百三十

一人並是良人男女準律計傭折直一時放

免責或作到計原其本末或因水旱不熟或

上或有例因公私債負遂相典貼漸以成風各自離殊

奴婢不別鞭笞役使至死乃休既垂律文實

虧政理袁州至小尚有七百餘人天下諸州

其數固當不少今因太慶伏乞令有司重舉
舊章一皆放免仍勒長吏嚴加檢責如有隱
漏必重科懲則四海蒼生孰不感荷聖德以
前件如前謹具奏聞伏聽勅旨

論淮西事宜狀或無狀字○吳小陽初

九年卒而其子元濟自立憲宗欲討
之明年遣御史中丞裴度視師裴度
兵可用與宰相意不合既而卒殺宰相
相傷中丞不克遂相度以主東上公
時為中書舍人乃上淮西事宜謂二
小州殘弊困劇之餘而當天下之全
九其破敗可立而待然由是失宰相
意左遷為右庶子十二年裴度出討

右臣伏以淮西三州之地自少陽疾病去年
春夏已來圖為今日之事有職位者勞於計
慮撫循奉所役者脩其器械防守金帛糧畜
耗於賞給勞於或作勞其非
是耗於或作置于執兵之卒四向

蔡以公為行軍司馬卒擒吳元濟皆
如公言○茅坤曰子始慕昌黎為文
詞或特疑其馬遷劉向以下一文士
耳及讀所論淮西事宜並鑿鑿中各
實可當施行其經畧措置與宋之韓
范富歐亦畧相當特韓范諸君幸而
遇則聲施昌黎未幾即為韓構所坐
不遇則聲施昌黎未幾即為韓構所坐
命哉

侵掠農夫織婦攜持幼弱餉於其後雖時侵掠非是小有所得力盡筋疲不償其費昔字餉或譬如有人雖有士夫之力自朝及夕常自大呼跳躍初雖可畏其勢不久必自委頓乘其力衰三尺童子可使制其死命況以三小州殘弊困劇之餘而當天下之全力其破敗可立而待也待下或有然所未可知者在陛下斷與不斷耳是也何孟春曰憲宗討淮西久

未_レ有功愈上_レ言在陛下斷與不斷平淮西碑曰凡此蔡功惟斷乃成是證此夫兵不多不足以必勝必勝之師必在速戰不足上一有則字以下必字或作取兵多而戰不速則所費必廣兩界之間疆場之上日相攻劫必有殺傷近賊州縣徵役百端農夫織婦不得安業或時小遇水旱百姓愁苦當此之時則人人異議以惑陛下之聽下或有陛下持之不堅半途而罷傷威損費為弊必深所以要先決於心詳度本末事至不惑然可圖功新史作乃或云然

猶然後也下文然可集事然擬許其承繼皆
 一義此蓋當時俗體如此故公狀中用之不
 欲改也為統帥者盡力行之於前而參謀議者
 盡心奉之於後內外相應其功乃成管者殷
 高宗大聖之主也以天子之威伐背叛之國
 三年乃剋不以為遲志在立功不計所費背
 或作叛背○易高宗傳曰斷而後行鬼神避
 伐鬼方一十年克之之遲疑不斷未有能成其事者也而後行
記趙臣謬承恩寵獲掌綸誥地親職重不同
高詒庶寮輒竭愚誠以致裨補謹條次平賊事宜

一如後

一諸道發兵或三二千人勢力單弱羈旅異
 鄉與賊不相諳委望風懾懼難使前進使或
 所在將帥以其客兵難處使先不存優恤待
 之既薄使之又苦處下或有指字不下或被
 分割隊伍隸屬諸頭士卒本將一朝相失心
 孤意怯難以有功又其本軍各須資遣道路
 遼遠勞費倍多士卒有征行之艱閭里懷離
 別之思今聞陳許安唐汝壽等州與賊界連

接處村落百姓悉有兵器小小俘劫皆能自防習於戰鬥識賊深淺既是土人護惜鄉里比來未有處分猶願自備衣糧共相保聚以備寇賊若令召募立可成軍若要添兵自可取足賊平之後易使歸農此篇立論與與鄂州柳中丞書相同伏請諸道先所追到行營者悉令却牒歸本道據行營所追人額器械弓矢一物已上悉送行營充給却下或無牒字據下或無行字給上或無充字今按上文勢合有行字行下更合有營字其理甚明今為補足所召募人兵數既

足加之教練三數月後諸道客軍一切可罷比之徵發遠人利害懸隔一繞途賊州縣堡柵等各置兵馬都數雖多每處則至少繞一作統至又相去闊遠難相應接所以數被攻劫致有損傷今若分為四道每道各置三萬人擇要害地屯聚一處使有隱然之望為上或無分字隱或作殿非是如漢書隱若一敵國也茅坤曰此兵審量事勢乘時逐利可入則四道一時俱發四或作諸使其狼狽驚惶首尾不相救濟

若未可入則深壁高壘以逸待勞自然不要
 諸處多置防備臨賊小縣可收百姓於便地
 作行縣以主領之使免散失
 一蔡州士卒為元濟迫脇勢不得已遂與王
 師交戰原其本根皆是國家百姓進退皆死
 誠可閔傷宥明勅諸軍使深知此意當戰鬪
 之際固當以盡敵為心若形勢已窮不能為
 惡者不須過有殺戮喻以聖德放之使歸銷
 其兇悖之心貸以生全之幸自然相率奔逸

歸順

議論醇正固是王者之師

一論語曰欲速則不達見小利則大事不成
 此來征討無功皆由欲其速捷有司計筭所
 費苟務因循小不如意即求休罷河北淮西
 等見承前事勢知國家必不與之持久併力
 苦戰幸其一勝即希冀恩赦朝廷無至忠憂
 國之人不愜傷損威重因其有請便議罷兵
 往日之事患皆然也往曰或作近日臣愚以為淮西
 三小州之地元濟又甚庸愚而陛下以聖明

英武之姿用四海九州之力除此小寇難易可知泰山壓卵未足為喻酌量事勢瞭然可見征討者徒自取

一兵之勝負實在賞罰賞厚可令廉士動心罰重可令凶人喪氣廉或作然可集事不可

愛憎所費憚於行刑然或作則一淄青恒冀兩道與蔡州氣類略同今聞討伐元濟人情必有救助之意伐或作然皆關弱自保無暇虛張聲勢則必有乏至於分兵

出界公然為惡亦必不敢宣特下詔云蔡州自吳少誠已來相承為節度使亦微有功效少陽之歿朕亦本擬與元濟恐其年少未能理事所以未便處置待其稍能緝綏然擬許其承繼少陽或作少誠非是疑或作後今忽自為狂勃侵掠不受朝命事不得已所以有此討伐勃或作陸伐或至如淄青恒州范陽等道祖父各有功業相承命節年歲已久朕必不利其土地輕有改易各宜自安節上或無命字節下或有制字而無節字○朱熹曰李德

裕之詩澤潞正用此策以伐其交如矣自疑
世以為奇不知韓公已高之矣

懼敢相扇動朕即赦元濟不問迴軍討之自
然破膽不敢矣有異說

以前件謹錄奏聞伏乞天恩特賜裁擇謹奏

論變鹽法事宣狀

唐食貨志云自兵興
河北鹽法屬廢而巳
至皇甫鎛又奏置權鹽法如江淮推
法犯禁歲多及田弘正舉魏博歸朝
稷宗命河北罷權鹽戶部侍郎張平
叔議權鹽法弊請官糶鹽可以富國
詔公卿議可不可中書舍人韋處厚兵
部侍郎韓愈請之以為不可平叔屈
服按平叔所陳利害凡十八條公為
隨條分析其可見者十六處厚則益

十難以折之云白樂天行平叔判度
支詞曰計能板秋毫吏畏如夏日東
坡曰此必小人也柳氏家訓平叔後
以賊跋窮失官錢四十萬緡是宣以
此終也

張平叔所奏鹽法條件

右奉勅將變鹽法事貴精詳宣令臣等各陳

利害可否聞奏者平叔所上變法條件臣終

始詳度恐不可施行各隨本條分析利害如

後

一件平叔請令州府差人自糶官鹽收實估

匹段省司準舊例支用自然獲利一倍已上者臣今通計所在百姓貧多富少除城郭外有見錢糴鹽者十無二三多用雜物及米穀博易鹽商利歸於已無物不取或從賒貸并手約以時熟填還用此取濟兩得利便今令州縣人吏坐鋪自糶利不關已罪則加身不得見錢及頭段物恐失官利必不敢糶變法之後百姓貧者無從得鹽而食矣求利未得歛怨已多自然坐失鹽利常數所云獲利一

倍臣所未見

一件平叔又請鄉村去州縣遠處令所由糶鹽就村糶易不得令百姓闕鹽者臣以為鄉村遠處或三家五家山谷居住不可令人吏將鹽家至戶到多將則糶貨不盡少將則得錢無多無或作不計其往來自充糧食不足比來商人或自負擔斗石往與百姓博易所冀平價之土利得三錢兩錢不比所由為官所使到村之後必索百姓供應所利至少為弊則

多此又不可行者也

一件平叔云所務至重須令廟堂宰相充使

臣以為若法可行不假令宰相充使若不可

行雖宰相為使無益也下若字或作令或有若字無下十字

又宰相者所以臨察百司及其殿最或無者字或無

又者若自為使縱有賤闕遣誰舉之此又不

可者也

一件平叔又云法行之後停減鹽司所由糧

課年可收錢十萬貫或無一件字非是今臣按此別是一條當有

以為變法之後弊隨事生尙恐不登常數安

得更望贏利

一件平叔欲令府縣糶鹽每月更加京兆尹

料錢百千司錄及兩縣令每月各加五十千

其餘觀察及諸州刺史縣令錄事參軍多至

每月五十千少至二十千者臣今計此用

錢已多其餘官典及巡察手力所由等糧課

仍不在此數通計所給每歲不下十萬貫未

見其利所費已廣平叔又云停鹽司諸色所

由糧課約每歲合減得十萬貫錢或無所今
 臣計其新法亦用十萬不啻減得十萬却用
 十萬所凶所得一無贏餘也平叔又請以糶
 鹽多少為刺史縣令殿最多者遷轉不拘常
 例如闕課利依條科責者刺史縣令職在分
 憂今惟以鹽利多少為之升黜不復攷其治
 行非唐虞三載茲績黜陟幽明之義也
 平叔請定鹽價每斤三十文又每二百
 里每斤價加收二文以充脚價量地遠近除

易加至六文脚價不足官與出名為每斤三
 十文其實已三十六文也也上或無文字今鹽價京
 師每斤四十諸州則不登此變法之後祇校
 數文於百姓未有厚利也十下或有文脚價
 用五文者官與出二文用十文者官與出四
 文上或用字或作是是鹽一斤官糶得錢名為二
 其實斤多得二十八少得二十六文折長
 折短每斤收錢不過二十六七百姓折長補
 短每斤用錢三十四則是公私之間每斤常

失七八文也下不及百姓上不歸官家積數
至多不可遽筭以此言之不為有益平叔又
請令所在及農隙時併各車牛般鹽送納都
倉不得令有闕絕者州縣和雇車牛百姓必
無情願事須差配然付脚錢百姓將車載鹽
所由先皆無檢齊集之後始得載鹽及至院
監請受又須待其輪次不用門戶皆被停留
輪納之時人事又別凡是和雇無不皆然百
姓寧為私家載物取錢三文不為官家載物

取十文錢也文下或無錢字不和雇則無可載鹽和
雇則害及百姓此又不可也

一件平叔稱停減鹽務所由收其糧課一歲
尚得十萬貫文尚或作計今又稱既有巡院請量
閑劇留官吏於倉場勾當要害守捉少置人
數優恤糧料嚴加把捉如有漏失私糶等並
準條處分者平叔所管鹽務所由人數有幾
量糧之外收其糧課一歲尚得十萬貫此又
不近理也比來要害守捉人數至多尚有漏

失私糶之弊今又減置人數謂能私鹽斷絕此又於理不可也

一件平叔云變法之後歲計必有所餘日用還恐不足謂一年已來且未責以課利後必數倍校多者此又不可謂一作請方今國用常言不足若一歲頓驟課利為害已深雖云明年校多豈可懸保此又非公私蓄積尚少之時可行者也

一件平叔又云浮寄姦猾者轉富土著守業

者且貧若官自糶鹽不問貴賤貧富士農工商道士僧尼并兼游惰因其所食盡輸官錢并諸道軍諸使家口親族遞相影占不曾輸稅若官自糶鹽此輩無一人遺漏者臣以此數色人等官未自糶鹽之時從來糶鹽而食不待官自糶然後食鹽也糶上或有來字今按文勢恐來字上更有從字若官不自糶鹽此色人等不糶鹽而食官自糶鹽即糶而食之則信如平叔所言矣若官自糶與不自糶皆常糶鹽而食則

今官自糶亦無利也所謂知其一而不知其
二見其近而不見其遠也國家權鹽糶與商
人商人納權糶與百姓國或作官則是天下百姓
無貧富貴賤皆已輸錢於官矣不必與國家
交手付錢然後為輸錢於官也
一件平叔云初定兩稅時絹一匹直錢三千
今絹一匹直錢八百百姓貧虐或先取粟麥
價及至收穫悉以還債又充官稅顆粒不殘
若官中糶鹽一家三口所食鹽價不過十錢

隨日而輸不勞驅遣則必無舉債逃亡之患
者舉債或作舉債臣以為百姓困弊不皆為鹽價貴
也今官自糶鹽與依舊令商人糶其價貴賤
所校無多通計一家三口所食之鹽平叔所
計下日以十錢為率一月當用錢三百是則
三日食鹽一斤一月率當十斤三百是或作三百六十是
云或云六十字恐美非蓋鹽每斤已當三十
六文一月當十斤則三百六十也足或作是屬
下句今按平叔所定鹽價一斤止三十文韓
公通計民間所加脚費多者一月或至二十
六文耳其地近者自不及此難預計也故此
上文但云下日以十錢為率則一月安得用

三百六十平其六十字當依或說
 刪去足改作是而屬下句為當
 新法實價
 與舊每斤不校三四錢以下通計五口之家
 以平叔所約之法計之賤於舊價日校一錢
 月校三十不滿五口之家所校更少然則改
 用新法百姓亦未免窮困流散也初定稅時
 一匹絹三千今只八百假如特變鹽法日得一錢之
 亦未肯貴五口之家因變鹽法日得一錢之
 利豈能便免作債收穫之時不被徵索輸官
 稅後有贏餘也以臣所見百姓困弊日久不

以事擾之自然漸校不在變鹽法也今絹一
 匹八百百姓尚多寒無衣者若使匹直三千
 則無衣者必更衆多况絹之貴賤皆不緣鹽
 法以此言之鹽法未要變也
 一伴平叔云每州糶鹽不少長吏或有不親
 公事所由浮詞云當界無人糶鹽臣即請差
 清強巡官檢責所在實戶據口團保給一年
 鹽使其四季輸納鹽價口多糶少及鹽價遲
 違請停觀察使見任改散慢官其刺史已下

貶與上佐其餘官貶遠處者或無與字平叔本請
 官自糶鹽以寬百姓令其蘇息免更流今
 令責實戶口團保給鹽令其隨季輸納鹽價
 所謂擾而困之非前意也或無非字百姓貧家食
 鹽至少或有淡食動經旬月若據口給鹽依
 時徵價辦與不辦竝須納錢少或作小給遲
 違及違條件觀察使已下各加罪譴一本譴
又無下苟官吏畏罪必用威刑臣恐因此所
文苟字在不安百姓轉致流散此又不可之大者也

一件平叔請限商人鹽納官後不得輒於諸
 軍諸使覓職掌把錢提店看守莊磴以求影
 庇磴午對切○世本公請令所在官吏嚴加
 防察如有違犯應有資財並令納官仍牒送
 府縣充所由者防或臣以為鹽商納權為官
 糶鹽于父相承坐受厚利比之百姓實則校
 優權或作稅比下舊今既奪其業又禁不得
 求覓職事及為人把錢提店看守莊磴不知
 何罪一朝窮蹙之也何或若必行此則富商

大賈必生怨恨或收市重寶逃入反側之地以資寇盜此又不可不慮者者或作也

一件平叔云

叔下舊無云字今補足

行此策後兩市軍

人富商大賈或行財賄邀截喧訴請令所由切加收捉如獲頭首所在決殺連狀聚衆人等各決脊杖二十檢責軍司軍戶鹽如有隱漏盆準府縣例科決并賞所由告人者此一件若果行之不惟大失人心兼亦驚動遠近不知糶鹽所獲幾何而害人蠹政其弊實甚

以前件狀奉今月九日勅令臣等各陳利害者謹錄奏聞伏聽勅旨

萬曆三十七年八月

萬治三年庚子八月

皇京新町姊小路

中江又四郎藏

濟世為懷開天闢地此心
以流世狀奉本良山自味
念日樂谷期同

